



Na osnovu člana 57. Statuta općine Ilijaš (Službene novine Kantona Sarajevo», broj:20/09-prečišćeni tekst i 46/18) i člana 3. Pravilnika za izbor sportiste godine, broj:07-36-73/23 od 11.01.2023.godine, Općinski načelnik putem Službe za društvene djelatnosti i poslove mjesnih zajednica, raspisuje:

JAVNI POZIV
za
„IZBOR SPORTISTE GODINE OPĆINE ILIJAŠ“

I

Raspisuje se Javni poziv za "Izbor sportiste godine općine Ilijaš" i dodjelu specijalnih priznanja pojedincima i kolektivima koji su pomogli razvoju sporta na području Općine Ilijaš za 2023. godinu.

II

Ovim Javnim pozivom uređuje se način i uslovi za ocjenjivanje i izbor najboljeg sportiste, sportašice, sportiste invalida, najuspješnijeg juniora, najuspješnije juniorke, najuspješnijeg kadeta, najuspješnije kadetkinje, muškog sportskog kolektiva, muškog mladog sportskog kolektiva, ženskog sportskog kolektiva, ženskog mladog sportskog kolektiva, sportskog radnika, sportskog trenera općine Ilijaš, kao i druga pitanja u vezi sa izborom.

Priznanja sportiste godine dodjeljuju se u sljedećim kategorijama:

- sportista općine Ilijaš,
- sportašica općine Ilijaš,
- sportista- invalid općine Ilijaš,
- najuspješniji junior općine Ilijaš,
- najuspješnija juniorka općine Ilijaš,
- najuspješniji kadet općine Ilijaš,
- najuspješnija kadetkinja općine Ilijaš,
- muški sportski kolektiv općine Ilijaš,
- muški mladi sportski kolektiv općine Ilijaš,
- ženski sportski kolektiv općine Ilijaš,
- ženski mladi sportski kolektiv općine Ilijaš,
- sportski radnik općine Ilijaš,
- sportski trener i
- specijalna priznanja pojedincima i kolektivima koji su pomogli razvoju sporta na području općine Ilijaš

U najuži izbor ulaze po 3 kandidata u svim kategorijama za koje se daje priznanje.

Za jednu godinu mogu se proglasiti najuspješnijima samo jedna sportašica i jedan sportista odnosno jedna ženska i jedna muška ekipa u svakoj kategoriji.

Priznanje za najuspješnijeg trenera dodjeljuje se na osnovu plasmana i rezultata sportaša ili ekipa koju je trenirao kontinuirano najmanje godinu dana. Treneru pripadaju bodovi njegovog najuspješnijeg sportiste/ekipe.

Najuspješnijim sportskim radnikom proglašava se osoba koja je tokom kalendarske godine svojim izuzetnim stručnim angažmanom učestvovala u ostvarenju visokih sportskih rezultata, ali i doprinijela poboljšanju uslova rada, te razvoju sporta općenito.

III

Izbor najuspješnijih, vrši Ocjenjivački žiri za Izbor sportiste Općine Ilijaš za 2023. godinu koji će imenovati općinski načelnik.

Ocjenjivački žiri će biti imenovan od predstavnika nadležne službe, sportista, sportskih radnika, trenera, novinara i drugih.

IV

Izbor sportiste godine je javan i vrši se na osnovu prijedloga organizacija, klubova i udruženja iz oblasti sporta koje su registrovane u skladu sa važećim propisima i imaju sjedište na području općine Ilijaš, koji mogu predložiti samo po jednog kandidata za svaku kategoriju izbora.

U prijedlogu za kandidata predlagači obrazlažu prijedlog sa svim rezultatima koji je sportista i ekipa postigla u 2023. godini za koju se vrši izbor sa ovjerenim listama rezultata (službeni zapisnik takmičenja, originalna diploma, potvrda od Državnog strukovnog saveza, zvanični bilteni i dr.).

Za izbor sportiste godine općine Ilijaš (u daljem tekstu sportista godine) može se kandidovati sportista koji je učestvovao na takmičenjima koja su organizovana u okviru općinskog takmičenja, kantonalnog prvenstva, državnog prvenstva ili državnog kupa, evropskim ili svjetskim takmičenjima, te olimpijskim igrama čiji je rezultat vrjednovan:

- osvojenim mjestom-plasmanom na zvaničnim takmičenjima,
- postavljenim državnim, evropskim ili svjetskim rekordom,
- plasmanom u završna takmičenja evropskog ili svjetskog nivoa,
- postizanjem olimpijske norme,
- plasmanom među 20 na svjetskoj i europskoj listi u pojedinačnoj konkurenciji i
- drugim ostvarenjem značajnim za razvoj, popularnost i unaprjeđenje sporta.

Za izbor sportiste mogu se kandidovati i sportisti koji nisu osvojili visoki plasman ili lični rezultat ali su svojim doprinosom u takmičenju omogućili učešće ekipa ili državne selekcije za koju nastupaju na evropskim ili svjetskim takmičenjima, odnosno koji su u sportskim takmičenjima dostojno predstavljali matični klub ili državnu selekciju ili učinili djelo kojim se podiže i učvršćuje međunarodni ugled države, kantona, općine kao i to da su svojim nastupima doprinijeli popularizaciji sportske grane u kojoj se takmiče.

V

Ocjenjivački žiri za izbor sportiste godine Općine Ilijaš za 2023. godinu, razmatraće samo prijedloge, odnosno kandidate čiji su rezultati potvrđeni od zvaničnih matičnih sportskih saveza.

Ocjenjivački žiri vrjednuje rezultate, vodeći računa o broju nastupa, masovnosti i kontinuitetu rezultata u godini izbora.

VI

Odluka o izboru »Sportista godine općine Ilijaš« saopćit će se javno na svečanosti koja će se organizovati u povodu Dana općine Ilijaš i Dana nezavisnosti BiH.

VII

Prijave na Javni poziv podnose se u zatvorenoj koverti sa naznakom »NE OTVARAJ« - PRIJAVA NA JAVNI POZIV ZA IZBOR SPORTISTE OPĆINE ILIJAŠ ZA 2023. GODINU, na protokol Općine Ilijaš lično ili putem pošte na adresu: Općina Ilijaš, Služba za

društvene djelatnosti i poslove mjesnih zajednica, ulica 126.ilijaške brigade 6, 71380 Ilijaš, sa naznakom podataka o podnosiocu prijave (naziv, adresa, telefon i dr.).

IX

Javni poziv ostaje otvoren 15 (petnaest) dana od dana objavljivanja.

Rok za podnošenje prijava po ovom Javnom pozivu teče od dana objavljivanja na oglasnoj ploči i web stranici Općine Ilijaš (www.ilijas.ba), odnosno zaključno sa petkom, 09.02.2024. godine do 16:00 sati.

Nepotpune i neblagovremene prijave neće se uzimati u razmatranje.

Broj: 01/2-36-219/2024
Ilijaš, 24.01.2024. godine



OPĆINSKI NAČELNIK


Akif Fazlić, dipl.ecc.

Ul. 126. ilijaške brigade br. 6, 71380 Ilijaš
Tel. ++387 33 580-620, 580-690, fax. 400-505,
Transakcijski račun kod RAIFFEISEN BANK BIH,d.d. Sarajevo: 1610000091470429
e-mail info@ilijas.ba

ISO 9001
BUREAU VERITAS
Certification



Broj certifikata:HR008740